

宜城縣續志

考 1181
地 260.49
39

選舉	秩官	學校	建置	卷上
	藝文	列女	卷下	耆舊

光緒九年鐫

宜城縣續志

凡例

一前志舊分十門告成甫十七年耳陵谷詎有變遷卽漢水崩鬻不無小異然不至大段改移故方輿無可續尸版賦役自康熙

恩詔後續生人丁作爲

盛世滋生册永不加賦故食貨一門前志已詳無庸再贅丙寅以來天洗甲兵人安鋤耨兵事災祥均無可紀故雜類一門亦不必續續止七門固無事勉強敷衍以從舊目致誚鳧脛蛇足譏也

一邑當孔道軍興以來羽檄旁午諸務未遑迨烽燧大

宜城縣續志

卷上

凡例

靜制作方興衙署公廨次第舉修而河隄之資扞衛倉穀之備凶殺尤屬利賴在民謹詳錄之以期永終無弊

一選舉由科目與保舉之有案可稽者皆照案詳錄其他捐納諸職及封蔭之典由本人赴局呈報方有憑以錄入其未經報局者無從考查容俟另續

一邑遭丙寅除日之亂士女蹈道而死者纍纍相望前志於郵典所及者續入者舊志而其他未及列女亦續多人然不無遺漏今從事久論定之後詳爲搜羅務期發幽光於身後以慰毅魄於九原

一者舊分門亦從其朔然不朽之三匪易必實有大政
事真學問至行無愧者由紳耆公舉覆查無異方與
錄人不得徇一二人之阿好概爲收列至人必經論
定存者不錄猶前志也

一列女之已 旌者自據檔冊錄入其待 旌者悉由
附近紳耆舉報學師批准入志方與著錄庶無魚目
混珠之弊至殉難諸婦女至今述其事懍懍猶有生
氣但窮鄉僻壤有事昭人耳目無從舉其姓氏者俠
氣空存而芳名不著興言及此輒爲感慨繫之

一藝文之無裨世道者雖美無彰故一切吟詠風月概
宜城縣續志 卷上 凡列 二
置弗收惟憑弔古跡節錄一二之尤者不以多爲貴
也

一舊列十門分爲十卷今止十餘年之事卷帙無多故
止分上下卷不泥於舊也

宜城縣續志總目

凡例

卷上

建置志

城池

隄防

壇廟

公署

公所附

津梁

學校志

黌序

書院

考棚

義學

賓興附

秩官志

文職

武職

宦蹟

選舉志

宜城縣續志

卷上

總目

辟薦

舉人

貢生

例貢附

軍功

銓選

封蔭附

耆舊志

政蹟

儒行

忠孝

耆壽附

卷下

列女志

藝文志

文

古體詩

今體詩

宜城縣續志卷上

建置志

城池

隄防

壇廟

公署

地志大凡率首山川十餘年耳詎有變遷至於庶務綜理需賢莫爲之後何以承先舉修廢墜綱紀燦然書不一書用續前編方輿無可續續建置

城池

同治六年縣令謝蘭勸諭城內士民捐修城西南隅兩段各十餘丈又修西北隅炮台又諭附郭居民築東南隅城脚培厚加高計三十餘丈濬西北城濠五年除日捻賊由下流而上盤踞縣東六年正月

宜城縣續志

卷上

建置志

三日始退後於京邑永隆河爲官兵所敗接復上竄正月十七八日過境未及避者多被殺虜自是風鶴虛驚聞輒皆走鄉民各就附近寨堡制器械儲糧食爲固圉計城中士民亦未雨綢繆踴躍輸將修理城垣制火葯軍械鑄大炮二十五尊附郭之民見其足恃咸來助工於是城脚城濠益修固濬深是役也人樂趨公費無浪用是以工雖鉅而民不擾

十年縣令陸祐勤重修東門南門小東門敵樓

光緒五年縣令傅維祐重修西門敵樓

七年縣令齊維昌補修城東門營房

八年縣令李連騎重修西北西南隅城垣十有餘丈隄防

陸公隄沿漢東西兩岸西自卧虎岩至龍王洲長七十餘里計六萬餘丈高一丈至三丈不等厚一丈六尺又自龍王洲至葛籐灣築隄二十餘里高厚如之東自古河口至萬楊洲長十五六里高厚如西岸同治九年縣令陸祐勤興築十年完功

溝隄自黃家溝口上至蘇湖橋長十餘里高厚如河隄同治十年築

宜城縣續志

卷上

建置志

二

宜自兩渠湮廢西岡袤百餘里棄爲石田惟濱漢兩岸地尚爲膏腴然舊無隄防水漲輒橫決倒灌如雲之稼盡輸河伯農夫望洋興嗟十年而入毘陵陸公甫下車問民疾苦知並渠之民苦旱濱漢之民苦水怒然不安於心思所以拯其飢溺而拔諸水火然兩役不能並興爰爲權其緩急謂興利不如除害躬詣何干集耆宿議興築之宜乃爲定章程畫基址夫按畝出糧由夫備不派一錢不雇一役督率者各因其鄉之士公日行隄率十數里董其不勤者而勸其勤以爲常蓋自鳩工至蒞事

未嘗不在隄所也同治九年秋役始興歲暮成上半段自卧虎岩起至邱家套止次年接修下段自邱家套起至龍王洲止以里計者七十餘以丈計者六萬餘又自龍王洲起至葛籐灣止以里計者二十餘上下一律完固兩渠之水會於蘇湖橋入漢之口曰黃家溝上流雖湮下流如故當秋淫潦迤西百餘里畎澮汨合挾兩渠而下至蘇湖橋匯使風龍潭二港其勢瀾漫無所以束之則其出不速泛濫而潴爲澤國乃沿溝築隄十餘里而內外之防始備西隄旣成則將以東爲壑公不忍東人

宣城縣續志

卷上

建置志

三

之罹偏災也渡漢親履其畝經畫如西法上自古河口下至官莊爲里若干畚築之聲甫及萬楊洲公已受代去下游之隄遂不克成後公在江夏宜士應秋試者公詢及之未嘗不咨嗟太息且引爲已責謂爲之不勇而成之不速也噫公之惠愛宜民雖去而猶不能忘如此昔蘇子瞻守杭州築西湖隄以衛民民賴其利號爲蘇公隄陳堯佐守滑州河決築長隄號陳公隄今公之惠愛在民何異二公耶公之去民欲爲公建生祠公峻拒之然至今沿隄之民遵公約束鑄之石以垂久遠其石之

額大書深刻皆曰陸公隄而口碑之載道尤翕然無異辭公在宜以經術飾吏治人皆變呻爲吟化俚爲文而隄之利賴在人尤其彰明較著者於以繼美蘇陳何多讓焉惜乎東隄未竣而瓜期已迫使得稍寬時日完隄之後以其全力大興水利復數百年之大利甦並兩渠之困氓其爲利澤不益無窮哉然此非公之所得爲也乃述其已成之功而原其未竟之志以冀後之志公志而心乎民者變河隄自葛籐灣起至璞河腦止長十餘里四年縣令楊鈞興修十年縣令劉秉懿完功

宜城縣續志

卷上

建寧志

四

壇廟

文筆峰在城東南隅縣治異方同治十年縣令陸祐勤捐建

公署公所付

縣署同治八年縣令謝蘭於一堂左修花廳二間東向光緒五年縣令傅維祐改而南向又捐修署前後各處舊者新之腐者易之署之內外煥然改觀

歲豐倉在縣署左考棚右光緒五年縣令傅維祐捐建共修倉房十六間以天地元黃宇宙洪荒八字編號六年元字倉圯縣令劉秉懿重加修理又於各倉重易

倉板貯穀樊斛二千石設立章程十條派首士經理
春放秋收斗加息穀二升又置錢五百串存典生息
以爲歲修之用

倉之設以備年之凶荒昉於漢之常平然貴糶賤
糴出納之際勢難無弊隋立義倉散而不責其償
然倉空又募之民間其散也見德其收也又斂怨
矣惟朱子社倉以穀爲息而不以錢息米孳生又
無歲歲募收之弊實較漢隋爲勝今劉公之章仿
朱子之意而變通之誠可行之久遠然自來有治
人無治法故

宜城縣續志

卷上

建置志

五

本朝李穆堂侍郎謂不得其人則社倉與青苗同弊
然則遵公法而行之克效豈不在人哉

公善堂縣令楊鈞去任後留錢八百緡又曾姓充州地
一段計種十畝坐落劉家台歲收稞錢二十串完糧
五升八合又撥育嬰堂田入之爲施葯施棺點種牛
痘恤寡救孤之費

育嬰堂田段坐落錢糧稞資附列於後

一分四段計十一畝半坐落答家岡一分五十八畝
計七十二畝坐落平常營草屋一座今地一分二段
計十畝坐落羅家坡係軍田無糧一分四段計二十

一畝坐落陳家巷一分二段計三畝坐落郭家洲一分一段計三畝坐落鄭家湖一分十六段計三十畝坐落五堽湖共完錢糧貳兩玖錢玖分伍厘共計稞錢肆拾壹串陸百文

津梁

鯉魚橋在南門外同治十年縣令陸祐勤重修舊甃三甃今改作一大甃高大皆加於其舊

南門外木橋舊無橋左右水不能通同治十年縣令陸祐勤鼎建又自鯉魚橋開溝引水入使曲繞南池過文筆峰下出東池爲玉帶水以培文風其開溝之處宜城縣續志

卷上

建置志

六

設石門時其啓閉使淫潦有備七年縣令齊維昌易木橋爲磚橋

鐵練橋在縣東北二十三里上達襄樊下走安陸至省會爲行旅通衢受漢東諸山之水下入於漢其始之石橋不知所昉後圯於山水乃架木爲之行者弗便光緒六年始易以石監生陳宗柱文生郝鵬運從九劉長安候選知縣何遠炳倡衆捐修

楊林溝橋在鐵練橋上水歸鐵練橋入漢

承志橋在楊林溝上水歸鐵練橋入漢監生陳宗柱承父志創修通田鎮司大路宗柱又施田六畝雇人於

橋北施茶

郝家城石橋受鷄鳴山諸處水下與鐵練橋合始未有橋貢生郝廷颺倡修上流又有石橋在勝因寺門通田鎮司大路

郭海營石橋在市南洩赤湖水舊無橋行者多病涉有嚴善人者幼爲人傭積百餘金悉捐以建橋不足則躬跪渠旁籲人布施雖酷暑烈日不避也復得百餘金而橋以成善人名興發東灣人道光十二年大水嘗捐傭作之資百餘金以活人人德之爲立祠東灣隄旁

宣城縣續志卷上

學校志 一 黌序 一 書院 一 義學 一 賓廬

於哉

聖清賦役無更將昭萬禩矧十餘齡前志既詳後復何
賡惟學之設規模日新迨廣士額俎豆莘莘寧序
日益賢能以賓敬錄於策用勵斯人食貨無可續

續學校

黌序

光緒元年

欽頌斯文在茲額

宣城縣續志 卷上

學校志

光緒六年縣令傅維祜補修東西兩廡七年縣令劉
秉懿重新掀揭煥然改觀

教諭署舊在明倫堂後乾隆間遷居西街義學大公
館右光緒六年鼎建於明倫堂左大堂三間後堂
三間廂房四間倒廳二間

尊經閣在明倫堂後人圮同治十年縣令陸祐勤重
修

書院

紫峯書院在學宮左同治八年邑令謝蘭重修

考棚

考棚在縣署東光緒六年縣令傅維祜於至公堂下東西各修屋三間於龍門外添修雲路門七年縣令齊維昌補修號板號堯共計堂號十條棚號一百零四條龍門外修屋二間爲看守考棚人之所舊有旁門閉之禁不許復開且禁署內人借住禁借作公館皆刻石以爲永禁

義學

六善堂義學在城內同治十年縣令陸祐勤重修東廂易大門西向論李澄捐河田九畝雷登煥捐河田六畝並撥罰款百緡人之爲立章程刻之石

宜城縣續志

卷上

學校志

九

鳳麓義塾在鷄鳴山之麓勝因寺光緒二年廩生郝峻運等割寺田五十二畝創立稟官立案

賓興

- 一前縣余思訓捐廉四百串監生皮桂華捐錢四百串共置買莊屋一所瓦正屋二間草屋一間門樓一座東南至鄧西至大路北至李河田二分一坐落南河七段計四十二畝四至有界橋一坐落柘家嶺計五畝東至大路西至商南至賈北至李完糧二斗七升
- 一胡德選捐錢四百串

一蕭榮捐河田七畝坐落王家嶺東至蕭西至王南至大路北至熊無糧

一楊杜氏捐市房一所坐落璞市老街東至南不記西至高南至街心北至蔣河田二分坐落老茅洲一分十畝東至草界西至高南至王北至高一分三畝東北至王西至朱南至路一分二畝東至草界西至本人南至王北至路

一朱文化捐屯田二分坐落桃灣一分六段計二十八畝四至俱至劉一分一畝九分東至朱西南北至劉完糧六斗三升三合運銀七錢

宜城縣續志

卷上

學校志

十一

一王修恕捐款一百串

一前縣劉發出修整龍神祠存錢五十串

一張周氏捐田二十畝光緒七年張得中贖回交價二百二十五串

一張達化呈繳張氏田五畝二分坐落官莊完糧二升六合

邑賓興不一處經理不一人積久弊生無從稽察光緒庚辰邑侯劉諭城內首士總其成以八人作兩班輪流值年於每年冬月初一日收管課錢之人攜帳詰賓興館公算明晰縷帳存案將所收之

錢放出生息至鄉試年分六月初一日收齊由老
師派人帶至省垣按名給發並刊刻章程以垂永
遠

一事內之人不許用錢用錢者須押紅約及紅票方
可按月九厘生息

一賓興館永爲賓興首士議事公所不准外人租住
亦不准書差等借作公館至於歲修由值年首士
在賓興款內提用

宜城縣續志卷上

秩官志

文職

武職

官蹟

惠愛斯人惟慈父母矧宜彫劫尤賴康阜孫陳在前疇善其後今則有政民則有口風風雨雨難忘身受去後之思能指某其不有君子民生奚厚續

職官

又職

宜城縣知縣

謝

蘭

四川安岳縣人同治五年由拔貢署

陸祐勤

江蘇揚州府人同治九年由附貢署

宜城縣續志

卷上

秩官志

十二

張軒鵬

四川榮縣人同治十年由鄉舉任

宋熙曾

江蘇吳縣人同治十二年由附貢署調署光化縣去

粟增耀

廣西臨桂縣人光緒元年由監生任病故

楊

鈞

四川瀘州府直隸州人光緒二年由進士署

傅維祜

四川長壽縣人光緒四年由監生任丁憂去

劉秉懿

安徽合肥縣人光緒六年由附貢署

齊維昌

直隸通州人光緒七年由副貢任病故

李連騎

直隸威縣人光緒七年由拔貢署

舒善慶

浙江奉化縣人光緒八年由監生任

一教諭

何明新州人由鄉舉同治八年任有傳張紹良黃陂縣人由鄉舉同治十一年任

訓導

陳常黃安縣人由副貢同治十二年任

巡檢

王潤森福建人同治七年任黃燦基蘇州人光緒七年任

典史

李榮恩湖南湘陰縣人同治十年任調署孫家灣巡檢

謝超湖南安化縣人光緒八年任孫家灣巡檢調署

武職

左哨千總

宜城縣續志 卷上 秩官志 七

劉水金安徽舒城縣人由軍功光緒五年任

外委把總

陳文襄陽縣人由行伍同治九年任調署荆門營外委去

陳允治南漳縣人由行伍光緒五年調署

官蹟

何明字雪園蘄州人由鄉舉任教諭在官五載未嘗攜家蕭然一室衣履穿結而志氣常充然口不言錢諸生脩脯所弗計先後邑令欽其品學延王講邑書院督諸生日有課善誘掖人有善輒掄揚不置人多樂就之每文酒之會為諸生剖經史大義或

申旦不寐聽者忘疲聞及時事悵慨激昂形於詞
色尤以世道人心爲汲汲謂士習不端則人心不
正即世道無由復古故於大本大原之地爲諸生
加勉焉工詩古文詞交遊半天下多知名士碑版
之文酬應無虛日而於諸生日課無或曠得咯血
疾醫謂其耗心血甚勸使少輟公曰吾樂此不爲
疲也然竟至不起易簣之日神明不亂自製輓聯
諄諄以挽回風氣努力進學爲諸生望力疾起書
之擲筆而逝櫬歸傾學中士送之河干哭失聲所
著書貧不能梓沒後子某刻其墓養齋詩文集若

宣城縣續志卷上

選舉志

薦辟 封蔭附

舉人

貢生

例貢

軍功

銓選

冠蓋舊里焜耀前史華蓋朱軒揚光漢水土浴

聖化宜紹前美苟通經術易憂青紫功成名遂昔人往

矣周行在望勗哉繼軌續選舉

薦辟

姚德華

字實之 廩生 布政司經歷 衡 光緒二十一年舉孝廉方正

舉人

張炳鐘

字簾軒 同治十二年癸酉科 順天 鄉試 庚辰科 大挑 二等 候選 教諭

王嘉謨

字顯廷 光緒二十二年丙子科

宣城縣續志

卷上

選舉志

十五

貢生

左文杰

同治九年貢

拔王嘉謨

字顯廷 同治十二年貢

萬俟紹普

同治十二年貢

恩周仁熙

字春臺 同治十二年貢

黃紹度

字儀軒 光緒元年貢

楊肇端

字立山 光緒元年貢

恩王元鼎

字貞夫 光緒元年貢

張致中

字舜臣 光緒四年貢

恩嚴德華

字玉田 光緒四年貢

李世恭

字敬菴 光緒七年貢

恩望懋修

字曉嵩 光緒七年貢

李儀星

字秋河 光緒七年貢

優周丕紳

字季延 光緒八年貢

例貢

孔廣元

字仁山 廩貢

歐陽炳

字春山 廩貢

曾士杰字俊卿廩貢

傅良臣字廩生

趙光普字鼎臣廩貢

黃培英字華軒廩貢

李庚吉字星垣廩貢

李懋修廩貢

孟師孔字折城廩貢

王殿颺附貢

何大楷字仲慎廩貢

黃履吉字和亭廩貢

王寶善字楚峰廩貢

宣鴻績字級堂廩貢

嚴柄時字勸臣廩貢

郝啟運

李士貞附貢

軍功

宜城縣續志 卷上 選舉志 六

周仁傑從九銜

易廷弼附生

周兆敬從九銜

易鳳池附貢生

周顯名附生

劉文照附生

皮長煊州同銜

龔紹渤附生

蕭仁傑附生

以上俱同治五年率團練堵賊陣亡世襲雲騎

尉襲次完時給予 恩騎尉世襲罔替

孫得勝外委同治四年攻勦回逆在陝西禮泉縣趙城陣亡給雲騎尉襲次完時給予 恩

襲罔替

王培秀花翎即補總兵現任陝西海峽營參將

郭洪忠字靖臣副將銜現任

李玉楚字美甫花翎副將左營遊擊補用參將

龍啓祥副將 石元福守備

張德壽千總 周國松外委

張占標

聶步堯守備

蕭興朝盛翎守備竹山縣把總

張德勝花翎都司

張青山藍翎外委拔補把總

賈永洛字小川由廩生保選訓導 劉錫釗字勉齋由附生保選訓導

宜城縣續志 卷上 選舉志 七

王崇儒字文圖由附生保選訓導 楊肇瑞字玉臣由附生保州同銜

王建中字懋菴由附生保州同銜 魯鍾寅字春舫由附生保州同銜

雷慶芳字馥菴由附生保州同銜 黃 坪字坦臣州同保加五品銜

傅汝楫字簡菴由附生保州同銜 嚴德文字蔚山由附生保州同銜

劉光漢武生保備先千總 姚尙純字厚坪保選巡檢

張鵬翰武生保把總 張鵬揚保巡檢

自賈永洛以下俱係同治六年擒逆擾縣東帶

團勇防守襄河荊州將軍巴 奏保

銓選

魏崇本字樸卿恩貢生大治縣教諭 李文馥字古郁附生四

楊肇芬字古香附生甘肅石嘴廳主簿

周不績字勳臣河南葉縣典史

李在田字履農前鄭縣訓導現任陽州學正保加五品銜

曾述先字明卿來鳳縣訓導

望懋功字適書稟生陝西臨邛丞署商州州同

李儀鴻字達卿稟生陝西臨邛丞

邱道生字子立提舉銜陝西縣丞署乾州州判

黃明善字二竹藍翎直隸州知州

楊德鈞附生州判

何遠炳字敬三選用知縣

宜城縣續志 卷上 選舉志 六

李世貞附生州同

李文廣刑部司獄

李文經附生候選縣丞

封蔭附

唐官以曾孫承中晉贈奉政大夫贈封文林郎

唐德懋以孫承中贈奉政大夫誥封文林郎

唐廷漣以子承中贈奉政大夫誥封文林郎

龍必達以子今望贈文林郎

蕭銑以姪興朝贈武德騎尉

魏常泰以子崇本贈修職郎

宜城縣續志卷上

耆舊志 政蹟 儒行 忠孝 耆壽附

十步之內必有芳草矧百里邑詎無 國寶行則
有枝文則有藻春風在襟秋月在抱射父以來厥
風肆好士景前賢修名務早續耆舊

政蹟

周仁壽號雲舫邑龔家腦人祖父俱科第仕宦著清廉
於滇皖至公家中落困苦績學有惡卧粹掌風壯歲
奔走四方境愈齎學愈豐由選拔舉京兆成乙巳進
士筮仕江西初署星子有兄弟爭產構訟賄以數千

宜城縣續志

卷上

耆舊志

十九

金公峻拒之後任南康政官河南息縣調河內陞陝
州署河南府始終一節無改厥初在息時邑多逋逃
公勤撫兼施捐廉倡修城垣民賴以安在陝十年興
學校平冤獄謀積儲修貢院民用大和著有案牘偶
存待梓因老退休杜門謝客訓課子孫采芹食餼者
相繼邑人談書香咸推周氏爲望族云

儒行

龔鯤鵬字雲九選拔貢生幼有至性父喪未葬遭大水
沒屋舍以繩繫棺於腰泣跪水中棺賴以不沒性類
異讀書尤勤苦學成爲一黌之雋太守周芸臬重之

多與唱和學使龍翰臣觀察毛驥雲皆聘之王西席
後任黃州府教授明倫興學士風蒸進著有聽藝堂
制藝詩賦行世

李文鳳字梧岡歲貢生居貧樂道教授弟子多成名者
年八十手不釋卷而和光謙德望而知爲君子有盜
其門者知弗問盜愧而還之其子負薪入市里豪奪
而鞭之置弗校後豪知而謝罪乃曰吾兒亦有過非
獨子之不是也嘗有詩曰壯且不爭今老矣夢猶能
讓沉醒焉蓋實錄也邑侯梁照嘗言若得孔子爲師
當居德行之科沒後遠近爲之隕涕著有慎獨齋稿

宜城縣續志

卷上

耆舊志

三

姚國措字雲階幼有至性兩事繼母無間言與弟際銓
友愛俱以能文有聲庠序躋於鄉薦以明經終居城
市絕迹公庭惟事關一邑之要如修文廟興義塾纂
輯縣志邑令敦請始一出董其事事畢鍵戶讀書授
徒布衣蔬食泊如也性和而莊見人稍踰繩尺必嚴
詞訓之故門下士咸知立品焉嗜寫古聖賢書年七
十餘猶手不停披著有四書講義折衷通鑑輯要易
義聚星際銓字藻亭郡廩生好讀書寒暑晝夜不輟
十二經皆手錄之肄業江漢書院爲山長袁金溪所
激賞以潮學夫士林惜之

忠孝

朱鳳藻從九品縣東鳳凰寨久圯鳳藻督修之眾因推爲寨王同治二年賊由隨棗至縣境附寨居民悉入寨鳳藻日夜堅守賊索貢不應四面合圍寨潰馬鳳藻爲賊縛詢以寨王爲誰曰我即是也好頭頸欲斫自斫云何問爲賊以刃刺之鳳藻愈忿詈賊怒殺而焚之其弟大鵬與賊戰亦死於寨中

李作寅字雨亭邑庠生以儒世其家二子皆邑明經諸姪及孫列膠庠者六人皆其所親授也年八十餘精神猶矍鑠同治五年晦日捻賊至義不苟屈抗罵而

宜城縣續志

卷上

耆舊志

三

死同時有監生文化西於梅園堵賊躬發鎗擊斃賊目賊以大股圍之力盡而斃時堵賊死者五車里有從九品羅文林朱家港有武生郝際運貢生譚兒誠耆民王澤匯劉萬仲龍坑有從九品章體全儒童李世昌世文王澤沛澤溥劉元泰劉登高郝敦運劉福安南營有監生李開雄率子姪鄉鄰五百餘人親堵於渡口護婦女渡河與賊戰終日眾寡不敵爲賊刃死弟開茂開志姪光謙光海光發光壁俱死之官莊有王德全與弟德先姪元祥率鄉丁數十人護同里老弱婦女與賊力戰二人素精於鎗舉鎗輒中賊要

害斃賊甚多賊怒合全力攻之眾悉潰散二人皆死之

丙寅之難漢東諸村堡處處巷戰百十為羣以抗方張之寇奮空卷相格拒轉鬪自朝至暮氣不少懦以至矢集膚劔叢吻前者已僵後者繼進卒無一人望風釋兵稽首乞命者洵哉胆勁而心方之死而靡悔雖牽羊禦狼卒以身膏原野然賊亦有所懲創相顧錯愕謂使下游如此安能長驅至是是其慷慨激昂誠足以懾悍賊之胆而張義烈之氣至相從而死者既能執干戈以敵

宣城縣續志

卷上

者舊志

二十二

國家之愾其姓字亦不容沒云謹彙而列之於左

- 王金淵 王國安 楊士成 士寬 士全 士順 士方
- 楊富榮 譚鏘 譚兆吉 候桓 匡永祥 永香
- 張義芳 張學良 劉漢文 漢昂 漢福 漢祿 漢銀
- 劉高原 楊文一 李源泰 劉宏義 梅禹新
- 郝如范 如林 郝逢運 嘉運 王光照 王言海
- 郝正常 正倫 正紀 正富 正貴 正功 黃中 章體申
- 章道德 劉寅 屈亮 許泰然 康然 萃然 言然
- 王在發 熊正相 李春方 方金富 楊二武
- 李泗 李照 張會 楊權 楊子化 李五一

溫崇選 崇緒 劉漢選 王斌 劉林 王文煥
陳貞貴 黃學超 龔開年 溫品華 胡映太
劉有 聶才 王發一 燕金槐 張欽 王見
張白年 李占鰲 楊與清 李天申 李興國
王謙 熊元 胡元明 溫其江 王澤濃 濃敬
王元才 毛正明 方正朋 陳邦友 陳世才
毛錫容 蕭士容 李天奎 溫崇學 胡廷發
王贊 曾學禮 余梅 劉登旺 余正富 正一
劉繼剛 余三元 胡長鳳 張王堯 張必元
胡思義 守義 梅志魁 王國正 楊玉輝 王金
黨金龍 金奎 金城 胡作惠 李光猷 易廷華
龔道成 龔安全 文兆昇 孫奇英 易大純
蕭洋 蕭泮 王大法

耆壽附

邱宜檣 縣南河人性謹厚 鄉里推爲長者 治家有法 食
指數十人無游惰者 享年八十餘 親見五世同堂

宜城縣續志

卷下

耆舊志

三三

宣城縣續志卷下

列女志

自宋儒興大義彰明屬在閨闈咸知守貞巾幗其身佩紱其行前編所錄樹之風聲彼鬢知慕望途爭赴藁苦蓼辛安之若素歲在永兆漢東寇擾之子蹈義心同日皦女也而士卓卓人表揚以激濁頽俗可矯續列女

周氏何楷妻楷卒氏年二十二僅遺一女嗣堂姪學禮教之成人爲娶婦潛氏甫三歲學禮死亦僅一女潛矢志養姑事姑至孝縮食以備甘旨周守節四十餘

宣城縣續志

卷下

列女志

年以壽終潛殯諸堂曉夜號攀二十年如一日咸豐二年粵匪上竄潛懼罹兵火乃移葬宅旁朝夕哭拜墓前有古人刻木攀柏風如是者又二十年乃卒卒之時紅光滿室遠近異之兩世苦節而潛之孝尤人所難及同治十二年同旌

李氏張先盛妻年二十五而寡守節撫孤備嘗艱苦光緒六年旌

雷氏李慶蘭妻年二十五而寡守志奉翁姑盡心罔懈現年五十三歲光緒六年旌

熊氏周高望妻年二十五而寡時翁姑年邁氏竭力承

志能得歡心現年五十三歲光緒六年旌

魏貞女嚴德煥聘室煥卒貞女爲煥守志奉事翁姑曲盡孝道翁病年餘貞女侍疾無稍懈翁嘆曰吾得是女無子而不啻有子也咸豐八年縣令梁照獎以節比冬青區光緒二年卒光緒三年旌藝文志有傳魏氏廩生張炳常妻炳常以勤學遭疾終時氏年二十三歲操矢冰清依孀姑苦守現年六十歲光緒元年旌

以上係已旌

鄧氏楊士瀛妻性溫和慈愛而儼然明大義每誓賊至

宜城縣續志

卷下

例女志

必死同治五年十二月三十日髮捻擾漢東氏恐被汚即投水死時年三十五歲

胡氏劉友官妻年二十一歲髮捻至攜二女同溺於河方氏楊士江妻年二十六歲髮捻至欲虜氏去氏罵賊赴水死

楊女大姑二姑楊士謙女年皆及笄除夕之亂同赴水死

李氏劉漢香妻年二十一歲家素貧然識大義髮捻至赴水死

陳氏王有鈞妻同治五年髮捻之來氏抱女嬰避亂與

有鈞相失遇賊欲虜之去氏據地不起罵不絕口賊怒殺之賊去三日有鈞尋得其尸面如生嬰猶在懷中呱呱索乳也

何氏郝正義妻同治五年除日正義爲賊逼溺於何氏亦赴河死時年三十歲

陳氏劉漢福妻何氏劉漢祿妻楊氏劉漢銀妻同治五年賊以除日至漢福與兄漢昇弟漢祿堂弟漢銀以堵賊死三氏恐賊見污各攜其子女赴水死一門殉亂死者十三人遠近哀之

王氏李金兆妻年二十一歲同治五年髮捻以除日至宜城縣續志

宜城縣續志

卷下

例志

三

氏未及避賊脅之去氏罵不絕口賊以及割其腹氏仍罵不休賊乃斬其首去

李氏陳世富妻年二十四歲同治五年避賊走出賊見而追之氏恐不能脫赴水死

王氏李光輝妻除夕之難赴水死

李氏文化齊妻賊至赴水死時年二十二歲

李氏侯正祿妻年二十一歲賊至逼污氏大罵不屈賊

怒殺之

朱氏楊士立妻同治五年捻賊之亂赴河死

劉氏羅文煥妻年二十一歲同治五年髮捻至氏懼遭

賊污抱女溺於河

龔氏李純修妻年二十三而寡撫孤守志貧困不移後子亦逝氏孤獨無依紡績度日同治五年賊至赴水死時懼爲賊污溺水而死者又有許威然之妻何氏楊友德之妻羊氏許太之妻沈氏姚榮生之女蕭金虎之妻袁氏金美之妻童氏與其女陳名情之妻王氏與其女及姪女又自賊中出者言有少婦被賊擄抵死不從兩賊以繩係而曳之婦極口肆罵至古河口衣履悉沾泥面破髮鬚髻而罵愈厲賊怒破其腹去惜不知其姓名

宜城縣續志

卷下

列女志

四

丙寅之難拾賊由安陸上竄以除日至縣境自流
水溝官莊上及龔家腦南營古河龍坑等處居民
蒼黃不及避捐軀赴義者比比而是前志已續入
列女志矣第一時未及周知不無遺漏茲復詳查
補入嗚乎舍生成仁丈夫所難而女子顧知所決
擇義不反顧如此於此見天地正氣不擇人而鐘
而

聖朝表章節烈其所觀感者亦深矣

王氏秦玉妻年二十三而寡守志養舅姑克盡婦道舅
死姑老氏事之尤曲至起居親自扶掖姑年八十餘

而終氏未嘗有倦意也無子立姪應藻爲嗣金氏玉姪應藻繼妻年十七歸應藻逾年寡而前妻子女俱幼不隔膜視竭力爲營婚嫁又善事王相依如命皆以節終王守節六十年金守節十五年

汪氏王休妻年二十三而寡矢志守節四十七年現年七十歲立猶子爲嗣訓之慈嚴交備

遂氏王金盈妻年二十一而寡善事舅姑教子成立守節二十五年而歿

陳氏楊太德妻年二十六而寡守節三十六年而歿艱苦一生勤儉自厲晚年家道小康訓三子皆克成立

宣城縣續志

卷下

例女志

五

劉氏楊士延繼妻士延病三載躬侍湯藥夫歿氏年二十九誓以身殉姻族責以大義則忍死教子而待前妻子尤慈愛現年六十一歲

汪氏章體清妻家僅小康道光二年田爲沙壓廬亦燬於火體清無以自存志而縊死時氏年二十八歲二子皆幼因至不舉火族卻勸之再譙氏慷慨自矢茹苦守志教子成立年八十三以節終

尚氏劑元善妻年二十四而寡事雙親終養撫三子成立現年五十九歲

氏劉肯堂妻年二十七而寡遺孤二氏訓之嚴長子

子嚮成弟子員次亦克家現年六十一歲

蕭氏李椿妻年二十六而寡孝事舅姑舅病危服藥罔效潛割股肉烹以進越日病瘳迄今刀痕未泯人以爲孝感現年七十八歲

曾氏汪德配妻年二十一夫故欲自盡以舅姑老遂誓作未亡人養生送死皆盡其禮年七十六以節終

蕭氏陳憲虞妻年十九而寡堅貞守志事舅姑無間言立姪爲嗣中年亦沒氏撫弱孫教以義方年七十四終

王氏郝協中妻年十九而寡矢志柏舟姑逝喪之盡哀宣城縣續志

卷下 列女志

六

立姪爲嗣守節十九年卒
王氏吳價妻年二十四而寡遺孤病啞娶媳亦病後俱天亡僅遺弱孫氏操持愈堅勤儉起家遂致豐亨八十二歲終

王氏陳鈺妻年二十四而寡時有以家貧勸之嫁者氏號啼誓不欲生舅姑善言撫慰乃忍死從命事親至謹菽水能承其懽舅姑相繼辭世竭力成禮自是以紡績度生身彌孤而志彌篤現年五十四

鄭氏楊萬年妻年二十八而寡志欲殉夫以姑年邁勉作未亡人立姪有序爲嗣現年六十三

林氏李正全妻年二十一而寡善事舅姑曲盡孝道現年五十一歲

袁氏從九楊恒德側室夫歿氏好善樂施嘗捐錢二百餘緡獨修璞市石橋同治六年秋水泛漲氏出蠶豆數十石以活人七年春荒復出穀以濟貧乏之子煥以力學天媳杜氏撫族姪承祧所遺田產半供禋祀半充邑賓興鄉人咸稱爲好善之家

羅氏王澤寬妻年十八而寡舅姑老夫弟幼族豪欺其弱謀再醮之已糾眾寡去至娶者之門氏抵死不從以頭觸木石幾破觀者咸義之羣送之歸後歷諸艱無悔厥志蓋四十八年如一日也

宜城縣續志

卷下

列女志

七

劉氏李得春妻年二十一而寡撫孤柱周就職從九品現年六十一歲

李氏胡應崇妻年二十二而寡事舅姑以孝稱教子有義方現年八十五歲

陳氏尚潤妻年二十五而寡遺腹子登發教之成立就從九職歷節二十七年卒

張氏劉正雄妻年二十七而寡養舅姑靡不盡誠子世藩中年短折撫孫成立現年七十四歲

閔氏李鳳舞妻年二十九而寡無子撫姪承祧無異已

出養親孝持家勤以貧窶起家現年八十六歲

余氏魯永發妻年二十一而寡矢志貞堅事親盡禮教子有方現年五十六歲

任氏耿海揚妻年二十九而寡家貧親老氏苦節撫孤事親孝順教子成立現年七十一歲

羅氏王炳燃妻年二十九而寡遺一孤亦相繼亡氏獨任艱苦孝養舅姑現年七十二歲

龐氏李貞修妻年二十而寡孝養舅姑撫孤成立以節終

陳氏李延功妻年二十七而寡家貧甚遺三子俱幼茹

宜城縣續志

卷下

列女志

八

苦勵志撫之成立三十餘年艱苦備嘗現年六十歲
方氏陳懷義妻年二十七而寡撫孤成立現年六十歲
童氏李樹妻年二十四而寡立志養親撫子成立五十七年而歿

李氏屈宗海妻年十九而寡孝養舅姑生事葬祭無缺禮現年五十八歲無子立姪爲嗣

李氏胡楚璘妻年二十七而寡孝事舅姑撫猶子教之慈嚴交備克人武庠現年六十四歲

沈氏李儀琴妻年十八夫故氏哭泣不輟守節十年而歿無子立姪爲嗣

侯氏何登璽妻同治二年登璽以禦捻賊陣亡時氏年二十八歲亦爲賊逼諸河賊去遇救得不死矢志不嫁歷節二十年而歿

文氏嚴用中妻年二十九而寡養親教子能繼夫志歷節二十五年而歿

羅氏時敬慎妻年二十一而寡舅姑俱老家貧能承菽水懽死亦盡哀盡禮歷節四十七年而歿

余氏黃兆鳳妻年二十六而寡事親撫孤孝慈兼備現年六十二歲

閔氏范宗炳妻年二十一而寡矢志撫孤現年五十二歲

宜城縣續志

卷下

列女志

九

李氏楊春先妻年二十四而寡撫孤成立享年六十八歲

蕭氏彭登瀛妻年二十四而寡矢志養姑時姑亦孀而老能得其懽心姑歿葬祭盡禮嗣姪奉祀現年六十一歲

陳氏童復文妻年二十六而寡現年六十三歲冰霜之志老而彌篤

羅氏余高益妻年二十五而寡事親教子胥克盡道歷節三十四年

阮氏屈功位妻年二十五而寡遺一子一女數年俱夭氏矢志不移家貧甚紡績度日後稍積有餘貲時時

助其兄嫂治田二十餘畝充作祠田以奉先祀現年七十三歲

李氏文生史策淵妻年二十九而寡善事舅姑立猶子能材爲嗣教之成立就職從九品現年五十九歲

朱氏余杞妻年十七歸杞踰年杞逝氏志在殉夫舅姑責以大義乃勉作未亡人立姪大鵬爲嗣以養以教俾克成立壽七十三以節終

李氏候選通判周宏謨妻宏謨死難於陝氏千里扶櫬歸險阻備嘗六年漢水溢爲災家業蕩然氏艱苦萬狀益孝親教子不倦守節十二年終

宜城縣續志

卷下

列女志

十

丁氏監生王均妻年二十七而寡賦性貞靜事姑善全孝道三子俱就職現年六十一歲

賈氏丁廣生妻年二十一而寡撫遺腹子至於抱孫境彌苦而節彌堅現年六十歲

李氏曾福來妻年二十九而寡謹事孀姑撫三月孤得成立現年五十九歲

王氏唐瑤妻年二十四而寡一志矢節善事舅姑人無間言子明楚以軍功保千總後以疾亡氏與孀媳撫遺腹孫現年七十四歲

雷氏州同吳成德妻年二十八而寡事舅姑惟謹擇師

教子不使近邪僻之習長子永壽已列膠庠現年五十九歲

陳氏匡訓妻年二十八而寡食貧勵志白首不移現年六十七歲

周氏陳發元妻年十九而寡時舅姑年老氏勉作未亡人以婦道兼子道立姪爲嗣姪生月餘母亡氏鞠之不憚勤勞長爲延師課讀俾克成立現年五十六歲童氏黃汝醕妻年十九而寡撫遺腹子堅苦自勵歷節五十七年而歿

王氏武生李德揚妻年二十八而寡遺孫纔三月堅貞宜城縣續志

卷下

列女志

十一

自矢以勤儉起家後致小康歷節四十六年而歿

彭氏黃汝璧妻嘉慶丙辰白蓮教匪倡亂汝璧以旗勇從侍衛烏勦賊馬頭山陣亡時氏年二十四姑老子幼家極貧茹苦守志竭力以養姑自食菜根而已一衫白結補綴如衲重至六斤晚境豐腴猶著六斤不易也苦節四十四年而沒沒後子恒舉其衫泣以訓家人云

劉氏童潤體妻性敦厚事舅姑克孝處娣姒能和婦道無虧年二十六夫故勵志堅守卒以勤儉起家苦節而得甘焉現年六十六歲

劉氏楊以文妻年二十三而寡撫孤成立現年八十歲
李氏肖錦美妻年二十四而寡事舅姑以孝聞教子廷
輔成弟子員現年六十五歲

任氏王世華妻年二十六而寡現年五十六歲老而彌
貞

王氏李登選妻年二十八而寡茹苦含辛教子有義方
年五十五以節終

曾氏徐德妻年二十九而寡撫遺孤教之義方子甫娶
妻而大氏艱苦益甚人共傷之現年五十四歲

劉氏王世明妻年二十九而寡貞操自矢慈孝兼全現
宜城縣續志

卷下

列女志

十二

彭氏龍逢年妻年二十八而寡撫子成立現年六十一
歲

黃氏宋以文妻年二十六而寡矢志撫孤歷節四十六
年

袁氏張元學妻年二十九而寡事舅姑撫孤子克孝克
慈年八十四以節終

王氏陳自修妻年二十四而寡現年五十七歲

雷氏胡義學妻年二十九而寡姑老子幼氏獨任事商
計克勤克儉家道小康年七十一終

王氏李登善妻年二十九而寡家貧甚氏刻苦自勵不
改貞操現年七十八歲

周氏左 妻年二十八而寡勤儉起家教子成立歷節
六十年以壽終

唐氏聶 妻年二十七而寡教子撫孫守節三十六年
李氏郭金魁妻年十八年歸逾年夫以家貧貿易不歸
八無耗時舅姑老矣氏竭力以養沒亦喪之盡禮既
又念夫久不歸必已物故乃招魂以葬立墓碣以已
祔之死之日族中人合葬之成其志也

童氏李鳳翥妻年二十七而寡撫孤子克繼家聲現年
宜城縣續志 卷下 列女志 十三
六十一歲

胡氏李正選妻年二十一而寡矢志靡他教子成立現
年五十一歲

姚氏文庠生熊楚珍妻年二十八而寡家不中貲遺孤
尚在襁褓中伶仃孤苦甘之如飴素性莊靜不苟言
笑稱未亡人後尤懍然數十年未改戚容守志三十
四年

楊氏廩生姚際銓妻年二十八而寡遺孤一一為遺腹
以養以教俾至成人卒年五十八

劉氏陳曰林妻二十六歲寡貧無以自存氏艱苦自矢

卒撫二子俾克成立現年八十歲

顧氏潘大緒妻年八十克見元孫

劉氏朱家華妻貧家婦也現年百有十歲精神猶健操
作不啻壯婦焉

丁氏張敬禮妻年十九而寡歷節六十二年

譚氏張元富妻年二十八而寡歷節四十五年

章氏張有才妻年二十九而寡現年六十一歲

王氏李鳳鳴妻年二十八而寡歷節三十一年

王氏廩生易大猷側室二十六歲寡撫子文馥成弟子
員現年五十八歲

宜城縣續志

卷下

列女志

七

高氏庠生龔彤銘妻二十歲寡現年五十六歲子滋文

成弟子員

李氏龔長修妻年十八而寡現四十九歲

彭氏陳光朝妻年二十七而寡現年五十六歲

李氏龔梁妻年二十六而寡時舅姑俱老子世成尙

在襁褓中氏獨任事畜計家不中貲甘旨之供體粥
之費俱從十指出然能得堂上懽心舅姑歿喪葬殯

盡禮嚴於訓子不爲砥績愛稍長即令就外傳書縮

以供脩脯資學既成以督運北上不獲就童子試乃

納粟爲國子監生運十年始歸氏主持家務課諸孫

日益勤後孫錫齡步雲俱成弟子買錫謨就職從九品曾孫元龍武庠氏之教也性素好施迨家計饒益克竟其所欲爲凡利濟之事捐多金無吝色而自奉仍泊如也享年八十餘親見五代孫卒之日元孫傳宗已十齡矣道光十七年學憲王給匾旌其門梁氏邱宗棠妻年二十一而寡孝事姑嫜立堂孫壽先爲嗣躬親教養歷節五十年而歿

劉氏閔州妻二十歲夫故氏即欲身殉以親老子幼乃勉作未亡人養親教子艱苦萬狀迨親喪後子冠婚畢卒繼以殉

宜城縣續志

卷下

列女志

朱氏陳第元妻二十七歲寡事孀姑撫弱子子亡立嗣以節終

王氏譚鍾濬妻二十四歲寡以哭夫喪明撫子成立年八十六歲以節終

姜氏阮名煦妻二十歲寡守志完節終

沈氏譚澤報妻二十七歲寡貧苦持家撫二子成立以節終

彭氏王玉妻二十六歲寡事親孝撫子慈而能嚴子亡撫孫亦如之持家勤苦現年六十一歲

宜城縣續志卷下

藝文志

文心綉繹日出日新仰維曩哲無薄後人況生茲里與宋宅鄰摘其香豔胡不彬彬亦有鴻筆闡揚人倫實行克肖文章有神著錄其尤以繼前塵續

藝文

壽封翁觀吾王年丈六十序

明太子太師中極殿大學士

張居正

太岳

余與宜城觀吾王子同庚子鄉試余時年十六王子年三十七王子博學邃養厚精而晚發余以童稚淺薄謬為有司所錄獲從王子之後其視王子丈人行也不敢

宜城縣續志

卷下

藝文志

六

肩隨焉數年王子始仕為理臨江府晉霸州太守致仕而其子道甫舉王子鄉試第一登進士拜南宮王子自其家來視道甫會余京師相與道故事叙疇好蓋去庚子之秋二十餘年而余亦年三十七矣顧視王子則其貌蒼然而光其氣盎然而揚神清體健無殊疇昔而余以多病早衰平居氣不充形臨事力不副意昔人所謂已成老翁但未白頭耳憶與王子並翼秋風同聽鹿鳴當其時余為少年王為壯夫乃今轉盼之間遂成陳迹不惟浮名身外無可控搏即吾所有之身已非曩時之舊矣是不亦可慨也哉夫人身百年耳而精神意慮每

隨血氣以爲盛衰往往見人其盛時氣若奔馬顏若楫
華或奮於義氣臨大難決大疑議不返顧計不旋踵虎
視一世而心雄萬夫及其形摧力盡志靡心灰蓋有百
鍊之剛化爲繞指者矣故騏驥罷於遲暮強弩頓於末
力若是者豈其勇怯彊弱頓殊哉無道以馭之而隨其
氣爲盛衰是以日徂月化而莫能自止耳夫惟至人有
道之士其天定其神凝其天定故不與世俱移其神凝
故不與形俱敝方其壯也衆方馳騫包勃而彼或斂之
若無及其老也人皆萎憊阻喪而彼則鍊之愈銳四時
之變生長凋謝日交代平前而其守如一則有道以馭
宜城縣續志 卷下 七

宜城縣續志

卷下

藝文志

七

之也故強弱氣也榮瘁形也不作而自強不澤而常榮
非形非氣湛然常存者是不可得而名言也嗚呼非天
下之至深孰能與於此哉今年七月十一日王子年六
十道甫以余有世講之誼勸余言以爲壽余觀王子年
雖周甲體力方彊別來數十年精神意氣曾不少變蓋
若庶幾乎有道以充其形而不隨氣以爲盛衰者余也
知雖及之力有弗逮世務濶其虛明趣舍淆其思慮常
恐日月易往與衆俱盡追維今昔深用慨然異日且當
與王子杖藜擔筇遺世獨往登祝融躡鹿門以求所謂
至人者而證之王子其肯從我哉

辛巳冬於藏書舊家獲讀張文忠公全集內載此序
及壽詩一什考邑耆舊志王麒字子仁領嘉靖庚子
鄉薦初理臨江擢守霸州次子凝字道甫中嘉靖壬
子鄉試第一丙辰成進士與序悉合其爲王麒無疑
觀吾或其別號歟愚按太岳輔明神宗於沖齡綜覈
名實綱舉目張十餘年內難不萌外患胥靖其所以
維泰山而固金甌者視三楊蹇夏諸公勲業尤煥後
雖謗譏交興而事久論定終難沒其功在社稷洵救
時之賢相當代之偉人也今披此序氣度雄渾襟懷
超卓且多見道之言可謂吉光片羽宜亟登之以爲

宜城縣續志

卷下

藝文志

十八

志乘光

虛軒氏謹識

貢士龔君淡遠傳特授襄陽府知府周凱

君諱照字淡遠宜城嗜義鄉人先世因宦家楚爲衣冠望族明季有婦人罵賊投河死者爲君太高祖庠生必達妣吳氏高祖今望廩生候選知縣曾祖尚德歲貢生祖涓庠生父國梁太學生以孝行著生子三長輝季杰君其仲也生而穎悟少讀書過目不忘補弟子員有聲黌序間事親純孝父晚年病健忘醫視之皆謂不治君扶持不離左右每事曲揣中志病賴以愈事母吳氏養與喪俱盡禮治家婦人不得與外事兄弟商議而行白首猶若孺子歡君雖儒生有經濟才嘉慶初年邑有聚

宜城縣續志

卷下

藝文志

十九

眾誦經者邑令屈將以兵覲之君請懲其渠魁一人餘復示以大義事遂解白蓮逆匪至君兄弟二人糾約村眾捍禦多方賊遂避去又嘗爲書遺諸旗頭謂清除逆黨務在核實不可濫及無辜諸紳感其意獲釋甚多寇退被掠子女悉訪其家捐貲送歸時逢歲饑凡貧不能自給者君皆以粟賙之閩省士人劉唐流落依君存活偶他出疾作急呼人曰請以我歸龔君請以我歸龔君目不能視猶喃喃呼歸龔君不絕比聞君聲倏張目視曰吾無憂矣言訖而瞑爲經理後事無缺里中訛言有神石能愈病禱祠日眾君袖其石置諸河訛言以息接

物未嘗有忤色見人善輒稱不容口至遇不韙必正容相規極力阻止若躬受其汙者故凡僇子斃夫所行惟恐君知多悔悟化爲端士目爲嗜義先生歿後有一男子突八致奠哭聲甚哀舉家莫識其故細詢彼自道乃二十年前作不肖事爲君所責不忍送官因改行服賈遠方已獲小康非君焉有今日其他如修橋梁施茶藥葬骼齒皆見義必爲者也書法遒健邃於經學著有四書典覽五經輯說周禮爾雅纂疏卒於道光甲申距生於乾隆辛巳壽六十四元配李氏早卒繼配楊氏有賢德子四長培因次鯤颿廩生次鯤颿庠生次培圻

宜城縣續志

卷下

藝文志

三

論曰余以勘鍾宜兩縣民堤至宜城鄉村與諸紳耆語問可爲邑中矜式者皆舉君以對且謂講學者近腐無濟實用喜事者任術未必公正惟君素行服衆不隨不激真能使薰其德者善良時君嗣鯤颿已爲余觀風拔冠諸生方冀相見有日而君竟溘逝矣及鯤颿乞余立傳遂據其行狀證以所聞於諸紳耆者爲論次之庶幾有道之碑無愧色乎

書龔君淡遠傳後 辛丑狀元 龍啓瑞

龔子雲九品學兼優士也余雅重之延課二子旋以時方多故鄉人共邀遷里未歸前數日肅衣冠攜前輩周芸臯按察所作尊翁淡遠傳示余取讀之文直事核無俟更贅顧傳中所載君遺諸旗頭書僅渾括大意余因團練爲今日要務急索觀其辭得悉是時白蓮教匪煽亂各處間有逆黨當道多諭鄉紳爲旗頭假以事權得專行戮君與本邑諸紳皆友善互爲聲援以拒賊其遺書略曰今之逆賊非出敵國外患食 本朝百餘年

厚恩不思圖報敢於謀逆亂臣賊子人人得而誅之原

宜城縣續志

卷下

藝文志

三

不得借口殺降之戒專事姑息以養癰貽患但人情奸險愈出愈奇或因素有嫌隙或因欲占產業輒妄誣爲逆黨巧構形似用相陷害爲一網打盡之謀深可痛恨我輩今日所自盡者惟在簡練鄉勇申明道理蓄養銳氣以助官軍而禦外寇譬如人身有病必元氣復然後邪氣除也至遇此等事件務須細心訪察情真罪當然後行法切不可聽一面之辭遽虐無辜視人命爲兒戲歐陽子云求其生而不得則死者與我無恨也願諸君共體此意何如時諸紳有素性激烈果於殺戮者得書暴爲稍霽亦開釋甚多信乎仁人之言其利溥哉雖君

之善行固不盡此而此亦其大端也余故特錄其辭欲
使今之主團練者皆能如君之勿姑息勿殘暴申明道
理蓄養銳氣以助官軍而禦外寇其於國事庶有裨哉
龔子本孝友傳家至性過人篤學力行堪爲經師成就
後學不少著有詩古文詞各若干首要皆君之貽謀也
余爲之欣然曰行矣龔子能識時務必能濟艱難歸保
桑梓可謂善承先志矣遂備書傳後以授之

先考殉義府君行述

男魯桂元

嗚呼痛哉府君之以身殉義也蒙難十有六載含冤負志以歿不孝桂元負靈櫬歸藏邱墓終天之痛百身莫贖尚何言哉顧其德無述於後則不孝罪益滋大謹卽江右所親承暨慈君素常所傳說追述崖畧備當代大君子採擇焉府君諱瑾字懷瑜自曾大父太學公諱湘積德好施邑稱長者先祖維常公諱世綱生而岐嶷弱冠蜚聲夔序坦衷直道望重一邑邑令有大舉必諮拜謁不以時然持身嚴正非公不履邑庭娶傅儒人多內助舉子六府君其次也伯考及三四叔考俱列武庠惟

宜城縣續志

卷下

藝文志

三三

府君入文序府君爲人剛斷脫畧有氣敢往憫人之困急人之難尤篤友天倫幼讀論語至求仁三讓兩章往往廢書長嘯謂男兒不立奇節顯名徒隨腐草枯朽非夫也從塾師制舉業刷剝說據心解攻苦勇銳雖家人環列兒女嘈雜聞見無擾嘗以冬月呶唔竟夕擁鑪合目而咏火氣灼衣不自覺祖母憐而起視大駭張聲則驚鑪碎地燃透重衫矣將冠遊庠旣庠乃婚歲科試屢拔優等越乾隆癸未遭先祖故府君痛不欲生躡踊哭泣悲感婦孺乙酉八月服旣闋與堂叔德潤公奮志芸臺互相砥勵丁亥秋伯及諸父壽學師於明倫堂座中

張豪王監宿釁一榴橫修舊怨伯扶王懦搆張毒嫁汚
巖律摹伯手跡控准司院先是豪怨伯強聚眾圍拆械
傷祖母罪浮於遣及偽造匿帖獄成而兩傷之局定於
吏言府尊處和伯恃理直不屈由是讞提兩傷已丑秋冬會審伯苦筆楚莫

支府君請自鞭扑以分痛不許遂爭認其讞以身代辛
卯二月豪流潮州而府君客吳西之會昌里人哀之作
石榴歌記其歌曰怪石榴斗大懸高帚隕霜未落垂涎
口阿誰弋取非其有彎弓引滿射鵬手不貫虎額貫魚
頭兩傷纒罷休伯氏惹出仲氏愁可嘆行人災邑人走
記失傳嗚呼禍本王也而波及伯既及伯也而累府君

宣城縣續志

卷下

藝文志

三十四

讀里人之歌情誰遣此而府君以代兄故冤歿異地無
怨言時不孝以先年乙巳奉慈命侍疾膝下府君於丙
午春發勞瘵歷夏徂秋起而復葦者再困牀褥者三閱
月不孝日侍湯藥未嘗須臾離左右不聞喚奈何聲至
易簣時惟囑令善事祖母勿違乃志而已又昔逮存年
寄母書有云衛壽代兄而兄亦斃伯道棄子而子弗嗣
今兄存而子有我之於古人所獲多矣嗚呼府君之志
如此何天竟令其覆沉於地下乎憶念及此心碎腸裂
而不孝之罪上通於天矣方府君之初免喪也諸父各
爨府君於田產惟取其瘠者器用雖自置義不私已有

客行祇挾微貲既得旅地不儲財亦不啻於用都人無
富貴爭交府君有急難排解多賴府君力捐館後不孝
扶櫬歸里邑之人祖送河干以百計朱陳王三性皆垂
涕越境不孝以是年十月十八日由會昌水行扶喪凡
四易舟閱日四十七於十二月初五日柩車抵家奉慈
命設殯所布靈帷諷吉營兆哭奠七日安厝府君於新
河南隄口東岸親賓唁曰殉義篤倫由是贈稱府君爲
殉義先生府君生於乾隆戊午二月二十八日丑時卒
於乾隆丙午秋七月朔有八日卯時享年四十有九配
母張儒人通女傳著賢聲來歸十年罹府君冤遂成永
宜城縣續志

卷二

藝文志

三五

訣乾隆癸丑以節孝舉於鄉制軍畢採載湖北通志有
傳嗚呼府君之逝也爾來二十有一年矣不孝負罪深
重偷活餘生苦先型之多所未睹愧痛語之追次無倫
懼益湮沒聊述梗概仰乞俛鑒賜鴻章以榮泉壤俾先
君子藉以不朽曷勝哀感之至

壽爭似死覽蹈祥危一門悌弟千古人師魯公繼作
鼎立四維讓產事鮮殉義者誰百年已往聞之神馳
光緒八年任宜城縣教諭事後學張紹良謹銘

壽彤階楊先生六十壽序

謝 蘭

今之所謂士者獵科第而已名也實則無之角技藝而已未也本則無之夫求士於名與其未斯靡靡者皆捐棄其實與本翬然浮道以相應雖得科第不爲貴藝雖工有文無行君子薄之蘭丙寅冬承乏宜城即聞城南彤階楊先生賢因慙詢其生平行誼稱之者曰先生名諸生貧而狷者也古心古貌靜穆自喜居常不與外事不履公庭地方官率聞其名而不識其人考簡侯先生著年碩德推一邑山斗明下土有聲巖序者無累百數十人先生確守一經承顏順志五十猶孺慕母病痰曠宜城縣續志

卷下

藝文志

三六

侍奉湯藥終歲不出戶夜靜少安息輒取醫經簡閱究靈樞素問金匱秘笈靡不瀏覽以是精岐黃術父事伯氏藻汀茂才撫姪肇印飲食教誨恩勤如己出其教人以修身立品爲首務倫常日用爲庸德館穀所入輒以賙貧乏人有一善必津津稱道不善者若惟恐先生知其爲鄉里所推重如此蘭心識之急欲一見先生而先生久不得見折柬招之乃以他出辭既而月課縣學生其長君肇端次肇盛藝特佳蘭器之累置高等明年縣試拔其姪肇印冠軍又明年其二子肇馥亦冠軍先後補博士弟子員而先生之不得見如故今春蘭受代

始得王先生家先生始出修地王禮粹乎其容也藹乎其言也食指數十門庭肅穆書聲之外無響語鉛槧之外無兵物質經問字之外無雜賓益心儀先生之爲人竊議向者人之稱先生猶未盡也夫天下之治亂發端於州縣州縣之善敗規兆於學校是故爲治之要莫先於端士習教學之方莫重於立師道士習端斯民風振師道立則善人多今使後生小子羣致力於崇實之學修務本之教以駑名爲恥以逐末爲戒謂先生孝於父母凡有父母者皆宜孝先生友於兄弟凡有兄弟者皆宜友先生義方有訓徑竇不由凡有子弟列衣冠者皆宜城縣續志

卷下

藝文志

三七

宜教以正安汝止重陶漸染日變月化風氣潛易人文聿興不亦鳴琴賦詩友事兄事者之厚幸哉今年六月二十八日爲先生六十初度其門人劉學博錫釗寓書江陵以祝嘏之文屬蘭謹即耳目所聞賸質實言之正告劉君知師友之藉觀摩之益及宜之士流俾曉然於名實本末之別在此不在彼且以諗後之尹茲土而有志於磨世礪俗物色真士者

昔歸太僕謂女在父母家而爲所許嫁者終守不合於義桐城姚惜抱聞其言而過之夫女子亦獨行其志耳烏知若者爲義而勉而蹈之士大夫乃必援禮以爲說大非君子與人爲善之意吾鄆百里邑耳前明有廖烈女死之日虹光燭天至今懍懍有生氣越二百餘年而有魏貞女貞女者父曰魏常昭就職從九品兄曰崇本恩貢生任大冶教諭貞女飽聞詩禮訓幼字邑庠生嚴大中之子德煥煥以力學致疾死貞女痛欲身殉不食者累日父母百計譬之乃納勺水後自父母願歸嚴氏宜城縣續志

卷下

藝文志

一六

爲嚴守父母駭然不以應力防之祺年防稍懈貞女乃央鄰嫗以煥之小祥日導至其家哭奠於位起拜舅姑皆錯愕不敢當禮客畜之而女之父母旋覺之即遣人來迓貞女不顧也魏與嚴居同街衢於是貞女不歸迓者相望諸姑姊日來勸貞女歸其舅姑亦好言誘之月日事未靖時余館於嚴課煥之兄若弟嚴君乃質余曰娶婦未廟見而死歸葬於女氏之儔所以明從父之義之大也夫已嫁而未廟見者且然則未嫁而爲之守豈禮也哉余日子何以禮爲哉亦論其志耳適其家有惜抱老人集因取所作張貞女傳共讀之嚴君乃恍然曰

是固然矣獨其年豐盛數十年甘荼如飴談何容易從容就義士夫猶難之况女子乎余則曰是無足慮天地之正氣往往不鍾於男子而鍾於婦人彼五季五十二年五易國八易姓生其間者朝梁暮唐倏晉倏周誰復知有氣節哉而王凝妻李獨能斷臂以完貞故歐陽公急進之以愧長樂老人况我

胡表章節烈

聖化涵濡人人者深歷觀往代女以貞著者恒鮮而

本朝獨層見迭出指不勝屈豈非感觀之效至速而專一

之性女子尤勝於丈夫與且夫德門盛事非徒貴科名

宜城縣續志

卷下

藝文志

二十九

之隆軒蓋之赫已也惟孝子悌弟烈婦貞女天恆靳不予人而有之大足爲門第光語未竟嚴君抑然自下若不敢承者而心已然之自是不復趨貞女歸矣貞女亦循循盡婦職善事舅姑轉憐之謂得貞女無子不啻有子也越十餘年廣西梁鶴賓令吾邑禮義君子也嘉貞女之操式其閭旌之曰貞比冬青嚴君愈自斂抑不以懸諸室余論之曰蓋棺論定吾滋懼矣余方擬爲貞女傳聞其言遂輟筆今歲在著雍余年七十有一髮日益落齒日益豁精神日益頹散恐不獲俟貞女之終且觀貞女之志二十年如一日有終馬之志夫勉強爲

之者或有初而鮮終今貞女獨行其志不爲眾撓豈有
年已四十而自喪其志者乎吾有以保其終矣因述其
大略歸之魏與嚴俾藏之他日續之曰女以某年月日
完貞吾知嚴君必欣然慰而余亦自幸不失言也夫
論曰人多言世無好人抑知天柱地維無傾欹之日則
摭挂綱常何嘗一日無其人哉孔子曰十室之邑必有
忠信觀於貞女不其信與或謂貞女行太激不軌於中
庸夫薑桂大黃其性至偏其愈疾至捷此台表之風所
以足師百世也然則當斯世而有斯人其不風乎

書宜城乞人胡德選事

安襄鄖均
兵備道方大湜

光緒六年六月宜城縣紳望懋功牘陳其縣孔家廟賓
興館緣起而爲乞人胡德選請獎予披閱一過作而歎
曰異哉乎乞人也乞人蓋宦裔及其身極貧而旬久而
去旬爲傭傭積日饒乃出所藏新祖祠曰吾無以後吾
祖姑藉贖不孝旣而分給兄弟子使治產繼又舉四百
緡助賓興今尙獨身棲古寺自奉不加於旬時不營田
宅不娶妻妾曰無以累我或嗤其非情乞人曰吾非有
惡於財而棄諸地也願吾乞多財之家二十餘年矣王
人早夜遑遑握籌算然怨毒叢集而莫能救求如乞人

宜城縣續志

卷下

藝文志

三十一

之肆志無畏焉不可須臾得也然則財者烏之弓而魚
之鈎乞人雖賤奈何以身爲魚烏而殉之且吾向所從
乞之人今有乞於人者矣乞一耳苦身焦思私已而卒
歸於乞何如早散焉而安吾乞之爲逸乎吾又異其言
以爲有類坊者王承福然韓子疑承福不肯勞心爲人
近楊朱爲我之教以視德選之利濟爲懷未可同日語
矣德選又嘗書良心圖以自佩夫自古聖賢所以立人
極扶世風者不過保此心而弗失耳此豈習楊墨者所
能知而況乎其下哉夫簪纓世胄人所誇耀以爲榮也
不幸而流爲乞旬門戶之辱莫甚焉而烏知夫旬而賢

者之反辱爲榮耶而又烏知夫庸庸者而富貴忽焉溷
滅曾不足與句而賢者較毫末之名耶是尤與於賓興
者所當深念也吾與其人而旌以文使鐫之賓興館壁
以永其傳且以示夫身不爲句而心不若是句者

宣城縣續志

卷下

藝文志

三十一

怡齋先生傳

陳天驥

公諱登瀛號怡齋邑庠生雅量深沉性安淡泊諸事求實踐事父母承顏順色甘旨親奉每食以爲常諸弟偶懷意見公委曲調持開誠婉導和睦無閒言嘗謂其家人曰予號怡齋蓋取兄弟怡怡之義也汝等其善體之公慷慨好義於本根尤加庇蔭曾憫今伯考際泰公之困乏舉四百緡借券取而焚之曰無今後世子孫執據追索傷和氣也其閭左族右叨福庇者指不勝屈同治閒歲歉比戶多缺食公指困分給無吝色時其家僅可小康耳乃能慨然傾囊若是道光閒飢民聚鬧滋變

宜城縣續志


卷下

歲云文士志

三十三

邑侯韓素知公賢今撫綏之境內賴以安靖髮匪窟擾邑界奉諭爲西鄉團總聯引正紳奸猾斂跡獄訟稀少至今孔市商賈暢茂皆公力也父老猶稱道之弗衰前督部堂官保獎六品軍功咨部註冊平居教誨子弟反覆解說孜孜不倦遊其門者雖極愚魯莫不各成其材以去鹿門主講金殿山喜與談論嘗云教書惟君得法觀君三子文理清通卓犖不羈皆佳器也惜君老矣不獲延至舍下課我兒孫讀也其推重如此公生於嘉慶戊午卒於光緒乙亥考遴文林郎享年百歲公七歲妣氏孫即世賴祖妣氏蕭撫字者居多繼妣氏

李亦樂公之孝順視如己出安人氏申治家有法長子
懋功以廩生就職陝省府經歷次子懋修恩貢生三子
懋敬廩生執業於愚門下因得悉公之雅範擇其行之
尤精卓者而誌之



何潛氏基誌銘

斷指封髮以節傳救父乳姑以孝著自古閨闈中行義分見尙矣我朝表勵風俗窮察隱幽請旌孝者由都憲衙門請旌節者由儀部衙門而旌節類曰節孝謂性既貞者德必順也然兼有其理不必兼傳其事兼之者宜邑潛孺人孺人生於嘉慶八年癸亥歲潛宗夏之女何學禮之妻也其姑周氏自二十一歲無子苦節中年立學禮爲嗣道光二年壬午歲孺人歸焉越三年學禮歿孺人亦二十一歲膝下僅遺一女摒擋家務不憚勤勞甘旨奉姑自安粗糲人至家輒走避雖族戚鄰里亦罕

宜城縣續志

卷下

藝文志

三五

見其回道光十一年姑周氏歿孺人年三十孺人無依孺姑堂丙二十年曉夜依依一如生日感豐二年壬子歲粵匪竄楚移葬於外朝夕焚香墓前又二十年嗟呼殯姑在堂古人刻木之心也拜姑於塋古人廬墓之志也大孝終身慕父母孺人其庶幾乎況姑爲貞姑繼述志事至死不忘則節卽所以爲孝而孝愈可以勵節鄉黨重其節孝公議請旌孺人屢聞而屢阻之曰生平之志豈以求名其意益超然遠矣士有一端之善無不求自見其長至備歷艱辛無可告語得一人表章而揚厲之不沒其苦衷雖君子仁人亦當強顏爲歡破涕而笑

何孺人之性獨若斯定耶惟其性定故其節至而其孝
純同治十一年壬申歲孺人年七十臥病紅光滿室光
散而孺人終族戚悲其情而高其義立堂姪何生貴以
承其宗癸酉冬在學諸生爲予言其事予敬起曰至矣
哉至矣哉急牒請轉詳於上甲戌二月十三日經巡撫
部院鄧帥具題噫請旌非孺人志也然義不容辭 我朝
節孝傳中得孺人而增重予不揣固陋旣誌而爲之銘
曰柏松濟美任媚周姜乾坤不毀貞順永芳

廣文魯公雲衢先生傳

丁丑進士授
可部主事 張繼良仲房

丁丑冬予省親回籍時長兄出秉宜邑鐸戊寅夏又由籍省兄於宜凡宜邑生員謁兄者吾獲接見焉有城居廩生魯君鍾泗鍾濂昆仲溫文端厚心竊器之退徵所許於兄兄述其先德嘖嘖不置越日登門拜訪魯君以其高祖殉義先生行述暨妣節孝張孺人紀在邑乘者哀示並出其曾祖雲衢先生著述孝友節義卓卓可傳然殉義先生代遣則有行述傳之節孝孺人成夫義則有邑乘傳之予謏陋不復傳傳雲衢先生先生諱桂元號雲衢甫脫襁褓殉義公已客江右之會昌漸長詢知

宜城縣續志

卷下

藝文志

三七

父所號泣欲往母曰有待奮跡顯親乃爾父志也就學於萬先生年慶公之門厲志董帳較同人加倍刻苦屢以省父請於師師曰有待年將冠決志走省隻身至會昌侍殉義公疾孝養逾常踰年疾益劇先生不脫冠帶數月竟抱痛於天涯旅次中是時先生寒素土耳其來會昌手無餘貲然當大故一一盡禮百日後扶櫬數千里出驚濤駭浪危而復安抵家竭力拼擋喪葬士民無老穉皆感泣爲殉義公並爲先生苦志泣也禮暇哭受母訓痛讀父書釋服入邑庠旋食廩餼以明經授枝江訓導所在手不停披修宗譜紀一族分合源流作年譜紀

一身出處行止又纂輯鄔都採訪記分例二十四則卷帙積八函臆先生之志遠矣哉紀事紀人非奉官諭而責以誌也非受人請而獎以文也特其心不忘勸善務傳所可傳以供一邑之徵考以作一邑之楷模耳歿後數十年上官檄修邑乘珥筆者但取先生書附益近事不勞而成因咸歸美於先生先生之志遠矣哉蓋志在可傳故於人可傳者樂傳之傳人之可傳故其立身大節皆可傳惜年譜行述因兵燹時埋藏土中腐朽莫辨其可傳者不得盡傳予但即其著述與我兄所聞於人者傳之嗚呼世德相承根深則枝茂爲先生後者勉旃

古人謂自求多福世之膺厚實享遐齡者皆其敦篤之行與仁壽斯人之心所自召前歲丙子予壽魯生國望之祖有人談其生平懿行竊嘆俾爾壽而富之有由也歲己卯魯生請於予曰我祖仁孝性成年九十時蒙鹿門王講實君張老夫子獎以壽序然其言文願師質言之生因奉其行述以示予予即証之人言以傳公公諱清源字渭濱武昌衛軍籍援例貢成均總角失怙哭泣三日不已人早異之既偕兩兄依重慈膝下孝養獨摯旋遭母喪哀毀骨立數日水漿不入祖母諭以大義痛

宜城縣續志

卷下

藝文志

三九

不能止每逢春秋祀及嚴慈之忌無不追泣者嘉慶中河水害稼兵燹毀巢遂棄儒而農農隙復營懋遷以謀祖母菽水之供時當匪騎縱橫攜家流播兩兄與謀分居公素恭兄命其言不敢違各受瘠田數畝而祖母之膳公願一人肩之竭手足勤劬不敢缺甘旨祖母就養數年而歿公盡哀盡禮喪費皆由一人籌畫不責償於兄家先是長兄亡於祖母之前公稟祖母出已錢數千緡以贖終祖母喪後二年仲兄亡所贖之數亦如之然以解以推而財亦漸起所治田產量分族戚貧者給牛種督耕耘納租不計多寡故族戚沾潤者稱道弗衰遇

歎年指困周卹並不第族戚已也嗟夫孝友睦婣任恤
不講於世也久矣士大夫稱先道古恒以財產盈縮爭
分寸而操同室之戈視族屬若路人聞公行不滋愧乎
公生於乾隆丁未卒於光緒戊寅享年九十二晚歲家
稱富有子紹吉國學生孫五長國望弱冠遊庠旋食廩
餼餘操管爲文及幼讀者俱卓犖才重孫三天何嘗負
公哉昔賢有出單微而篤行可師者予亦臚列公事以
示勸至率乃祖攸行尤所望於魯生者

知府銜陝州直隸州知州周雲舫先生傳張炳鐘
公諱仁壽字鏡瞻雲舫其號也賦性純篤聰穎異人弱
冠以府縣院三試冠軍補博士弟子員旋食廩餼公雖
仕族無改寒素兼以連年水溢旱蝗家益窘惟糠覈菜
根度日乃訪戚友於吳越蜀燕之郊十餘年始歸學益
進選拔捷京兆成乙巳進士以縣尹筮仕江西初權星
子繼補南康兩分校文闈所得多知名士若歐陽雲之
直諫黃純熙之死賊其最著者也未幾以母憂歸服闋
改官河南權杞縣調息縣攝光州印務補河內陞陝州
權河南府事同治甲戌告歸其任星子也邑濱鄱湖
宜城縣續志

卷下

藝文志

四十一

侯肆虐公饑溺猶己力請當事加賑平糶及給籽種營
廬舍諸務議凡數上必得請乃已其在杞縣也杞新失
守土匪熾甚乃創爲練勇利器械儲糗糧經費所需悉
虧以應民始有固心其在息也息固捻藪地鮮巖疆又
無城垣公乃捐廉倡修練勇亦如在杞時而費過之且
屢犯霜露冒鋒刃計擒渠魁而息人始得安堵蓋至是
而公之心力交瘁虧累益不支矣會嚴渭春中丞撫豫
過境見息人牽羊擔酒者相屬載道問之則皆爲邑宰
祝嘏者中丞詫曰此何時也宰官尙有此勝致耶則皆
曰吾儕自祝吾父母耳吾儕不祝吾父母而心不安也

向微吾父母吾儕皆賊屬矣中丞領之因備詢其治狀
及其姓字而去是爲受知中丞之始而河內之調由此
公泣河內適沁河堤圯竭力督築民賴其利又銷淫像
鑄銅炮弊俗以革東匪窳境籌防郡城修築寨堡賊不
敢西向全境無虞在陝十年勸義倉振學校修貢院教
養兼施又數平冤獄圍扉常空闕陝民多鑿崖穴居庭
院如井深十餘丈民往往輕生訛索名曰跳崖公嚴禁
之案遂絕時西疆用兵陝當秦晉之衝軍行絡繹供億
浩繁公條理井然而民不擾凡所莅之處尤以人材爲
急下車觀風必詢地方利弊月課諸生必諭以敦品篤

宜城縣續志

卷下

藝文志

聖

行並示以讀書作文之法此公之政績卓卓口碑者也
而尤難及者星子有兄弟爭產構訟賄以數千金公正
色拒之既察其可動也據理勸諭咸感泣輯睦沁河舊
有陋規數巨萬有以嘗公者公愀然曰宰不能衛民忍
取其財而重剥吾民耶力却不受杞有劣紳因緣進謁
徐言北鄉有案可得辦公費數千緡公當斥絕戒閹人
不得通其廉如是公自通籍後每日皆有筆記所判案
皆有副本著有案牘偶存若干卷在署日晨起即坐堂
皇嚴絕出入遇事輒判並不輕怒妄刑有疑難務詳審
得情暇則披閱公牘夜分始寢數十年如一日其勤如

是其勦擒逆於息也嘗昏暮至一村堡所攜不過百餘人突而匪黨蜂集鉦炮齊鳴人皆相顧失色有勸公微服遁者公從容指揮大啓寨門令丁壯亦鳴鉦炮應之密遣數十人於寨外里許多燃火炬鳴鉦炮呼聲齊起昏黑中賊謂援兵大至乃悉驚潰反多所擒獲其有膽有識如是緣是亦屢瀕於危矣嘗奉使途次鄭州突遇擒逆身首受重傷墜車下恍惚若有掖之升者乘車疾趨廿餘里乃免賊斫不死神扶持母亦天佑善人歟嗟夫公少歷艱辛由寒畯至州牧四十年來日在憂勤惕厲中而困屯不移其操坎險不驚其志寵利不介其懷

宜城縣續志

卷下

藝文志

四三

惟是民生吏治必求無愧此心解組後仍家無餘貲乃至窮困以歿公嘗曰吾人服古入官爲顯親揚名計肯爲辱親敗名事乎人皆信爲不渝素守云

論曰士不遇盤根錯節不顯利器公歷試鉅艱罔弗肇機中竅游乃有餘使稍營進取何難立膺顯擢乃慷慨任氣風骨矯然卒以不合時宜短馭長材人或爲公惜然公之垂裕自遠所謂不於其身必於其子孫者豈真廉吏不可爲耶爰書之爲涖民者勸

明經姚公傳

張紹良仍房

明經姚公諱國摺號雲階至性過人兩事繼母無間言與弟友愛工詩古文辭蹟於鄉薦以明經終據經義造就後學居城市於讀書講學外無一事挂齒頰間邑宰有建學修城諸役必敦請董其事事畢絕迹公堂布衣疏食宴如也生平古貌古心見人稍踰尺寸必嚴詞訓戒之人省闈十八次附公舟就試者如侍嚴師一切嗜好禁不敢發然獲公教益無不樂與公偕老時率諸孫由城居遷鄉以育以教亦可想見其用心沒後人猶懷懷然談公言動謂可爲士林法著有四書講義折衷綱宜城縣續志

卷下

藝文志

四

鑑輯要易義聚星好手錄古書年七十餘罔懈出公門下成弟子員者數十人第際銓號藻亭幼穎異讀書不間寒暑隨讀隨錄十二經皆抄有全篇未弱冠蜚聲庠序爲文汪洋恣肆肄業江漢書院邀王講袁金溪彭子凡諸先生賞以苦學覲疾早歿士林惜之其所學取裁於公者居多

論曰予初來鄂卽聆姚公爲古君子因備詢其實聞不辭而在人口者津津尙矣壬午續修邑乘邑侯命公之孫實承肩筆削任予閱其稿於公事缺馬未錄予不敢沒公善敬以所聞於人者傳公

寶石瀨記

王嘉謨題

宜城臨漢江江邊有洲曰雲水其地有泉名金沙以釀酒極香冽今圯於河矣而邑乘猶載其異弗忍湮也其上十餘里有小瀨多寶石有如雀卵者馬肝者潔如人面者朗若鏡屏者紛集類禽魚蟲介者紋理隱然象花卉樓臺山水形者光怪陸離莫能殫述舊誌未載人罕知者辛未春黃罔洪右臣先生北入都舟行經此見晶瑩滿渚喟然曰吾鄉寶石山著異久矣茲石十倍之竟寂無聞豈彼輝於山此隱於水所憑固有不同者耶因作歌以表其異兼拾一囊載之都中觀者輒袖去已卯宜城縣續志

卷下

藝文志

四五

冬予往借觀則僅剩數枚矣噫斯石也其含精秉秀養晦韜光於吾宜也不知幾何年乃適於流水遠春扁舟邂逅得名公而表章之遇合良非偶然或且慮其既經播揚好奇者搜羅無虛日轉不若泉壑幽寂得以自適其性然天不愛道地不愛寶凡夫瑰奇而磊落者類不能以終藏何必不大發其輝光使與日星河嶽而俱壽哉然則斯蹟之傳其石所願耶抑非所願耶石不能言予亦不暇叩石而問之姑爲之記

古今體詩

木香村

清陳大中

楊柳穆穆拂野塘春風不斷舊時香詞人一瓣清如許
怪爾支離對酉陽

宋玉墓

寂寞蘭臺宅荒涼託舊墟朝雲端有屬宿草已無餘秋
氣詞臣老山神謫諫疏擬騷吾特嬾空復讀遺書

人日宜城道中

洪良品右臣

煙水蒼茫雁影來楚天寥濶暮雲開草堂詩思逢人日
客路春光入酒杯樹色綠分冠蓋里夕陽紅近村康台

宜城縣續志

卷下

藝文志

四六

頻年總負東風約寂寞西園雪後梅

宜城怪石歌有序

宜城縣東漢水所經洲上多小石奇形詭質五
色瑩然不減吾鄉之寶石山也辛未春予北入
都經此拾取一囊載入都中特表而出之以俟
好事者

黃州怪石寶在山宜城怪石寶在水瑩瑩玉氣映泥沙
璨璨珠光散洲泚我本黃州人能識怪石珍今飲宜城
酒喜與怪石親怪石之生本不偶我爲一一窮根源龍
王宮中醉按劍怒翻寶藏海水渾蛟龍行雨戲遺卵萬

魚睛視不敢吞江妃漢女出歌無遺釵墜珥何紛紛賈
胡舟覆鮫妾泣明珠瑪璃如頑益洞天一品差可擬壺
中九華安足論呼兒拾取細摩玩片片皆是山川魂君
不見青州鉛松同作真莫言頑質全無用我將持獻虞
廷作鳴球樂奏簫韶致儀鳳不然置之長安客舍問江
漢睢漳皆入夢夜深月落燈照岸坐聽鄰舟倒春甕挑
燈對酒石無言且續東坡怪石供

次韻和洪右臣御史宜城怪石歌

王嘉謨顯廷

襄陽西南九十里城古鄆城水漢水扶輿磅礴春復秋
劍氣珠光滿汀泚嗟哉此間大有人由來不羨時流珍

宜城縣續志

卷下

藝文志

四七

珠玉咳唾落江漢化作怪石魚龍親人訝怪石怪孰窮
怪石源塵沙隱見精彩蘊日月沐浴波濤渾支拳欲同
砥柱立累卵時戒蛟螭吞洪公好奇舉珊瑚盈囊累篋
百怪紛舵師蹙額漁子笑瓦礫底堪羅玉盆我聞雲觸
秦嶽崇朝能爲雨又聞天補媧皇太古非空論安知中
無瑚璉器或恐上應星斗魂君不見荆山遺璞和氏貢
銀河亦効支機用矧茲五色晶瑩溫且堅雕鏤堪作銜
書鳳所嗟頑質攻錯疎海上三峰空縈夢奇蹟歛喜吟
囊收深宵披衣倒殘甕陸離光怪聲鏗鏗對石還增新

詩供

夫子岷

李文鳳 梧岡

西山名境舊相傳步入山中望果然羣岫湧回波立海
一峰躍起鯉攢天南有山形如魚攢天長罔尾曳春渠外怪
石鱗翻夕照邊路轉橋東時舉首滿空秀色落村前

陸公隄

李文鳳 梧岡

滔滔不識幾千秋捍衛今憑我邑侯地壅長隄環綠野
岸連高阜護青疇近迎反照橫塘面遙隔半帆出隴頭
寄語兩邊齊插柳甘棠又為陸公留

宣城縣續志

卷下

藝文志

四六

志之體類於史然亦有與史異者史紀一代其事繁宜核而勿漏志紀一方其事簡宜核而勿支若偏邑之志較之通都尤其簡也於是爲之者病其簡於古事則牽引附會以益之於近事則夸飾張皇以大之而傳信者寡矣宜志成於同治丙寅距今不及二十年適大府檄修通志郡志余與魯君鍾泗回承邑侯李公命纂續近事夫事近則易爲核苟不核之求而簡之病徒增加藻繪以爲觀美近者轉以失實其於彰勸戒大槪揚之義奚當哉故茲論次蓋其慎也不敢蹈支之病而良有司之建樹鄉先生之典型賢媛貞姬之風烈已不勝書如宜城縣續志

卷六

跋

四九

此此固鍾毓之厚積而益彰抑於涵育於

聖化者深故卓然有以振拔層見輩出後來而不啻居上與夫靈秀之儲不以偏域限特患風聲之不樹耳有導之先者則觀感而興日益蒸蒸馬執筆以竣者將大書特書屢書不一書而已也安在必支其詞以致飾始足增邑之光哉

書

光緒八年歲次壬午嘉平月邑後學姚德華謹跋